

皇明經世文編

皇明經世文編卷之二百七十六

陳子龍臥子 徐孚遠闇公

華亭

選輯

宋徵璧上木 李 雯舒章

吳嘉胤繩如參閱

楊襄毅公奏疏

疏

楊 博

覆左給事中張益等增定叅贊尙書職掌疏一
兵科署科事左給事中張益等題稱南京兵部尙書
叅贊機務一遇警急則皆略守備而責叅贊不可不

重其職掌。乞要從長議擬。於叅贊勅內。事體不便者。稍為更易。舊日所無者。稍為增入。各一節為照南京兵部尚書職在叅贊。與內外守備。均有保釐之責。原奉勅諭。開載已明。頃因地方多事。督責之議。全在叅贊。若不重其事權。其勢自難展布。該科欲要從長議擬。委為得其領要。查得各處多有因事增勅事例。相應斟酌題請。合候命下。備咨南京兵部轉行南京五府。僉書都督。既分管振武神機大小教場。以後俱聽叅贊節制。應天淮揚巡撫都御史。凡事與叅贊叶同。

近日加有叅贊兼管。此種之味。然從。語耳。

計議而行。副總兵叅遊兵備等官。俱聽叅贊委用。未
盡事宜。悉聽叅贊便宜處置。本部仍將前項職掌。行
移內府翰林院。除原勅照舊外。另請勅諭一道。給付
新任尚書李遂。欽遵行事。平寧之日。徑自奏繳。

遵諭條上定策遏虜疏

大同薊鎮邊務

醜虜入犯。多在涼爽之時。防禦機宜。貴審急緩之勢。
今之九邊。大率以薊鎮爲第一。蓋腹心旣安。四肢自
無可慮。以故廣調各鎮之兵。爲之戍守。多發度支之
糧。爲之餽給。精選驍健之將。爲之捍禦。仰蒙 聖皇

在上深思遠慮靡所不至臣等何容別議今據宣大總督李文進所奏止是永邵保兀慎擺腰三部之其酋首俺荅黃台吉把都兒弁東虜土蠻俱各未見踪跡驚鳥將飛必戢其翼甚當爲薊鎮之慮臣等謹將大同薊鎮應行事宜不揣愚陋開坐上請伏乞聖明俯賜採覽早爲允行地方幸甚

一大同所犯之賊數本不多本鎮兵馬已該總督李文進先期分布似爲有備臣等近又移文巡撫都御史陳其學總兵官劉漢令其堅壁清野以固其守設

伏出奇以挫其鋒，分精兵以搗其巢，簡惡少以邀其馬，隨機應變之策，聽其徑自處置。計料此虜，日下必當遠遁。所據李文進所討宜府遊擊孫輔、大同遊擊周資文入衛遊兵二枝，另本酌量議處。

一賊犯薊鎮，必緣白艸川三間房一帶。哨探一節，全是形勢錄西東犯故以獨石為薊鎮之耳目今叙錄在宜府獨石叅將蓋薊鎮止得其情，獨石則得其形。別西已故以守前為薊鎮之耳目知之既早，豫於古北黃花鎮等處加謹防禦。所謂先

則制人，自保無虞。合無容臣等仍行宣大總督巡撫總兵官等督率叅將劉國多差的當人役，遠為哨探。

但有東行踪跡。即便飛報本部。以憑調度。哨探的確。防秋畢日。叅將官重加陞賞。如或怠緩悞事。與薊鎮將兵一體治罪。

一薊鎮各區。先該臣博總督之時。每區定擬兵備副使僉事一員。爲之監督。連歲督臣行臣之計。日益詳密。但防秋之後。未曾定擬賞罰。誠恐人心懈弛。關係不輕。合無容臣等備行總督都御史楊選巡撫都御史張珖。嚴行副使溫景葵。紀公巡栗永祿。李尙智。張邦彥。伊介夫。各照地方。用心督理。一切兵糧事宜。悉

聽徑自區處督撫官不得遙制。如果禦虜有功。或虜知有備。不敢窺伺。督撫官從實具奏。以憑甄錄。息緩悞事。查叅寃治。

一昌平鎮居庸鎮邊黃花鎮三區與宣府懷來延慶

永寧四海冶相為唇齒。宣大總督每當秋近移住懷

來。正為南山之備。但事在兩鎮。未免互分彼此。必須

聲勢聯合。事方有濟。今無容臣等備行宣大總督都

御史李文進仍駐懷來。如果賊犯薊鎮古北口一帶。

宣府別無聲息。即便多發精兵。星馳援應。若止犯延

承。逼近南山。就將各支兵馬。分屯薊鎮。墻土。協力固守。但使匹馬不得入關。卽爲首功。

一薊鎮燕河冷口一帶。逼近遼東。虜若自東入犯。薊鎮督撫官。相去隔遠。調度自不能及。卽使有兵可發。千里赴援。不惟無以濟事。亦非兵家常筭。合無容臣等備行遼東都御史吉潑。會行總兵官雲昌。卽將本處兵馬。整棚停當。如果虜犯燕河等處。不必候誦。徑自領兵前來策應。有功與薊鎮將兵一體陞賞。遷延誤事。與薊鎮將兵一體黜罰。

奉旨條上破格整理薊鎮兵食疏

薊鎮邊脩

竊惟昌薊二鎮近在畿輔實爲腹心之地粵自庚戌虜變以來遠調客兵分番入衛原非經久之計臣傳經略之時奏稱薊鎮之事當以練主兵爲根本調客兵爲權宜于後郎中唐順之經略又奏稱主兵練成一枝當減客兵一枝非臣二人之私言實爲衆人之公議乃今督撫等官或玩愒而人事不修或災沴而天時未順以致練兵之舉十年罔效閱兵之使三出無功誠可駭嘆仰蒙 聖皇在上淵慮深思長駕遠

馭既將悞事之臣各加黜罰又欲本兵之臣破格議處特念臣博嘗歷茲鎮明旨叮嚀曷啻面命臣博雖至愚極陋敢不仰承萬一連日謹與臣縉共據一條爲十事極知兵馬錢糧各有攸司切緣事體重大不敢避忌固臣等狗馬之心亦臣等之分也

一各區主兵雖有總副叅遊等官職專選練若非兵備副使爲之監督事權旣輕賞犒無措日復一日全乏實效查得永平兵備副使溫景葵昌平兵備副使栗永祿懷柔兵備副使張邦彥密雲兵備副使李尚

智、薊州兵備副使紀公巡才識操履俱極一時之選

兵解分而後可練故

相應久任責成合無備行各官將所管區分主兵通

不屬之者燕而專責之可道

行蒐選設法教練仍將勅諭各另換給一道備將選

練主兵緣錄開載於內一年之內練有成效不次擢

用因循不振從重降罰及照各官年資已深若使遷

轉別處新任之人、事體不能周知悞事不淺本部一

面移咨吏部備查各官年資如果相應者擬陞叅政

職銜仍兼僉事管理兵備年資未深者職銜照舊公

差科道等官雖有查盤等項事情不許輕易委用致

妨正務。巡撫官月一閱視。總督兩月一視。合用犒賞銀錢等項。准於督撫兵備贓罰銀內動支。本部仍發銀二萬兩。分發各道。添犒犒賞。大率軍以十人爲率。八人習火器。二人習弓矢。若使人人火器精熟。倚墻拒守。自當萬全。

萬鎮有急而遠調西三遠之卒殊失策也

一陝西固原寧夏延綏三處客兵。比之宜大。尤爲寫遠。十餘年來。往返奔馳。疲勞極矣。但主兵教練未成。若使遽爲撤去。一有急緩。未免失措。相應通行酌議。合無移咨總督都御史楊選。將延綏遊擊時達所統

遊兵一千五百名，既稱不成行伍，查照總督尙書許
諭原議，以後免其徵調。其延寧固原各枝，照舊調發
本部，一面咨行陝西督撫等官，將該班官軍，用心揀
選，俱用馬軍，不用步軍，馬匹軍器，如果不敷，作速奏
請，聽本部與工部處發。兵行之日，巡按御史坐委守
巡兵備，該道查點明白，具繇奏知，候四十年以後，
生兵練成，每年遞減一枝，以示休息。其山西山東保
定遼東宣府大同應調之兵，不得援以爲例。

一 陝西等處邊兵，既欲漸撤，各區擺守之兵，恐不足

用查得京司三營自我 皇上更定之後戎政大臣

顧寰王邦瑞悉心整理大有次第相應酌量調發合

無備行戎政大臣選兵四枝專在居庸鎮邊二區防

春正月十五日啟行三月終旬回營再發兵四枝專

在居庸鎮邊二區防秋七月十五日啟行九月終旬

回營每枝三千名止用馬軍三百以備傳報其餘二

千七百俱用步軍其步軍盔甲器械上邊之日暫借

闔營之馬馱送班滿盔甲器械交付該區叅將分守

官收貯以備次班應用免致往返勞費春防用叅將

京兵不宜遠征悉預磨人神策之事至於出戌
江畿其策可行也

尹秉衡曹鎮佐擊王國柴愚管領秋防用叅將楊正
方圓佐擊劉臣錢炳管領居常則督軍操練火器及
期則督軍肅隊以行若果臨期無警聽總督官具實
奏請另議進止叅遊官到鎮悉聽總督巡撫節制不
以禁軍多驕故也近者剿寇則令內臣別將不屬
之營概矣
許抗違。

一該鎮糧餉雖有總督兼理於上郎中主事分承於
下緣彼此原非專屬甲可乙否動見牴牾自昔用兵
固未有食不足而兵足之理臣等悉心圖維必須該
部大臣專一督餉則職掌旣明施爲自易合無移咨

戶部於本部左右侍郎內奏差一員量兼憲職請命勅諭關防書吏前去薊州住劄專一管理冒薊二鎮主客二項錢糧并查催各省拖欠民運各區錢糧但有不足兵備副使即便呈省督餉衙門處發一年滿日另差侍郎前去二三年間事體停妥總督官照舊兼理侍郎不必再差見今年已豐稔正當收買之時若果戶部帑銀不敷工部借銀十三萬兩戶部發銀十萬兩交與侍郎帶去或補主兵之糧或給客兵之糧或召買新鮮米豆安置倉廩以備支用務要區處

得宜不致浪費。兵備將領軍衛有司等官悉聽節制。公勤者從實舉薦。怠弛者從重叅奏。一切侵漁奸弊悉聽侍郎區處。庶幾士嗜馬騰以之練兵則兵可強。以之禦虜則虜自戢。提綱挈領此其首務。

一火器中國長技在各邊用之於戰其利什一。在薊鎮用之於守其利什九。仰蒙 皇上洞悉邊計。頃者勅下臣博速將宣大薊鎮多發火器。臣等奉行惟謹。俱已陸續督發。但先年所發之數似亦不少。該鎮漫無章程有用之物不出川之於城守而用之於操演殊可笑也置之無用。殊為可惜。相應立法稽

考合無移咨總督都御史楊選巡撫都御史徐紳將各區先發今發火器火藥通行查出備造循環文簿二本每季終差送工部倒換如果見在火器火藥尚不足用即便會同具奏聽候再處其本處歲造火器火藥亦要一體查明附入簿內

一各區主兵近來分布不一或今歲在此區明歲又在彼區防春又在此區防秋又在彼區以致軍士地方險易不能熟知東奔西馳殊無固志至於寧山等衛班軍輪戍薊鎮卽同主兵相應一體整理合無移

咨總督都御史楊選卽將各區主兵、公同鎮巡兵備等官、分派停當、一函具數咨部、一函出給簡易告示諭衆知之、以後不許輕易請動、其應援客兵、聽其臨時斟酌、不在此限、本部一函咨行各該巡撫都御史、各將寧山等衛班軍、遇有逃故者、先於別項軍內選補、務足原額、每軍啟行之日、各先處給月糧三箇月、具繇奏知、如仍前玩愒、聽薊鎮總督官、從實叅寃、

一 兵家之法、先則制人、後則爲人所制、薊鎮雖稱專一、擺守墻垣、賊果臨墻、患已剝膚、終非萬全之計、出

奇以制之。多方以誤之。封疆之臣。自當加意整飭。合無移咨總督都御史楊選。卽將邊牆之外。逐一踏勘。要見何處可以火攻。何處可以水攻。何處平夷。應該剗削。何處險隘。應該堵塞。近則十數里。遠則一二十里。五六十里。要在因地制形。以爲牆之藩籬。至於應哨人役。果能哨探明的。卽照近日題准事例。實陞職級。仍重加犒賞。犒賞之費。於撫夷銀內動支。銀如不敷。再行奏請。至於州縣村落。多無城堡。亦當一體修繕。臣博往年巡撫甘肅。嘗創爲墩院之法。其費甚簡。

其益頗多。容臣畫成圖式。咨送楊選。以次整頓。但成一處。卽有一處之益。不必欲速。務求遠利。

一山海一片石等處。相去薊州數百餘里。軍士本色月糧。俱於薊州倉關支。甚爲不便。雖有委官總領。無力轉運。只得就彼減價糶賣。兼之委官任意侵漁。及至到營。每軍僅得銀一錢二錢而已。臣傳總督之時。已嘗題准。令其本折隨宜兼支。頗聞管糧郎中泥於舊例。至今未見遵行。臣等以爲政貴宜民。法當通變。開塞來心 總辦 全折 不知可於 永 平 另 立 一 倉 否軍欲折色。找卽以折色給之。却將遺下本色。查給附

近會口軍士遠者近者均爲有益何憚而不爲合無
移咨督餉侍郎到鎮之日加意一處仍備細回奏。

一朶顏三衛屬夷撫賞之舉雖不可廢各該將領向
因無處措辦未免剝及貧軍蓋壞操練此爲第一弊
政况彼夷乍臣乍叛全不足恃必須恩威並行使其
既知所感又知所畏方能經久合無備咨總督都御
史楊選今後夷人安心向化者該入貢則聽其入貢
該撫賞則優爲撫賞如敢入邊剽竊或在邊外撲殺
應哨人役即便着落夷中頭目將賊人賊賊盡數獻

出以正法典。如果負固不服。相機發兵。設法剿捕。不得駕言誘殺撲殺。以致肆無忌憚。合用撫賞銀兩。每年戶部出銀一萬兩。本部出銀五千兩。共銀一萬五千兩。與同本處香錢等項。相兼湊支。將領如再科軍一錢。輕則降級。重則調發口北極邊衛分。以示懲戒。以後一切工役。不必累軍。銷其銳氣。

一廢棄將領。欲其使功。不如使過。卽如近日原任總兵官姜應熊。與同遊擊胡鎮。岔道一戰。大挫賊鋒。是其明驗。必須多方搜取。置之軍門。方收群力群策之

效。合無移咨總督都御史楊選速將各邊廢棄將官
徑自選取。有智識者則用之練兵。有勇略者則用之
禦虜。隨才器使。各盡其長。有功之日。指名具奏。以憑
擢用。其見在軍門怯懦不才者。卽日分別革退。以除
振武主兵之害。

議發京兵輪戍薊鎮疏

京兵戍薊

京營之兵。頻年坐食。漸成驕惰。近議揀選四枝。戍守
居庸鎮邊二區。其說有四。其一則京兵習見烽燧。慣
經勞苦。可以轉弱爲強。其二則居庸鎮邊。原有懷保

在外警報絕少。即使有警。去京不及百里。朝發而夕可至。比之遠調。宜大保定之。兵勞費懸絕。其三則春防之月。該鎮止留邊兵三枝。一有聲息。居庸鎮邊未免分置邊兵。兵分力弱。顧理不周。若得京兵戍守二區。邊兵自當專管。古北冷口緊要去處。在此則爲虛聲。在彼則得實用。其四則臣等原題。若果臨期無警。聽總督官具實奏請。另議進止。卽如來春果無警急。京兵自難輕發。所省錢糧。更爲不貲。所據戎政大臣顧寰等具題前來。相應通行計處。合候命下。備行戎

政衙門查照本部原議將叅將尹秉衡等所領防春
 官軍四枝整擷停當。勅書旗牌砲火等項。本部預行
 該部請給。稍待來春居庸鎮邊。果有警報。容臣等再
 行斟酌。或量發二枝。或全發四枝。具繇奏知。如果無
 警。通不必發。務中機宜。仰體我 皇上節財省費至
 意。一面移咨總督侍郎楊選。必須宣府實有聲息。方
 許請兵。不宜無事張皇。自悞邊計。

議發馬價銀兩買給宣大薊鎮軍民牛種疏

三鎮牛種

臣等仰惟

皇上誠感上玄。惠流下土。茲者履端伊

進計莫善於屯田自古道之予常問進

其考公類云邊地洶莽無可屯之理不知何故也然
始雪澤屢降真爲盈尺之祥行見千箱之慶但宣府

近者宜大督臣秦中撫臣皆取忠政又何說耶

大同薊鎮三處逼鄰虜境十室九空即日春融正當

佈種之時而或有牛無種或有種無牛遷延過時自

絕秋成之望臣博向在右衛固嘗目擊其苦若使因

天之時順地之利稍爲處給計種一石可得子粒數

石富民以裕國足食以強兵比之歲荒召買之費月

糧折支之難曷啻倍蓰戶部帑銀見稱缺乏本部馬

價數雖不多尙可措置係于邊計不敢自分彼此相

應通行議擬合候命下劄行太僕寺於馬價銀內動

支三萬兩、宣府大同薊鎮各發一萬兩、差官分解巡撫都御史趙孔昭陳其學徐紳處責委各該守巡兵備等官收買各樣種子沿邊軍民中審其十分貧乏者分等查給合用牛隻官爲勸借令其趁時佈種秋成之日抵斗還官另立小倉收貯專備來年給種支用。巡撫衙門仍置循環文部二扇。年終赴部倒換查考。

議處朶顏三衛夷種疏

區處三衛

臣等竊聞堯舜之時分北三苗庶績咸熙蓋言三苗

之中善惡不一。其善者卽留之。其不善者則去之。以故勸懲旣明。恩威自著。兩階干羽之舞。光映簡冊。凡以處置得宜。故爾。卽今聖神在上。遠追堯舜。而三衛夷人。近在郊圻之外。比之苗民。尤爲不同。但中間固有背華而勾虜作逆者。亦有效順而傳報虜情者。若使一槩勦滅。殊非天地包函之義。况此輩獸心狼子。全視我之強弱。以爲順逆。若使我將果擇。我兵果練。東西二虜。可以鞭撻。惟此小夷。自當震讐弗違。譬之元氣旣壯。邪沴必消。臣博以爲我。皇上今日擇將。



練兵之計，聖謀神笑，乃其第一義也。卽今總督都御史劉燾、總兵官胡鎮、巡撫都御史溫景葵，俱當開府蒞任之初，正屬夷情觀望之會，合無通行各官，仍照臣等原議，將三衛都督等官明白宣諭，卽將勾虜作逆者訪究的確姓名，責令本管都督綁縛獻出。都督重加陞賞，夷犯置諸重典，以示懲戒。如或都督自行勾虜，或將手下作逆之人，不行獻出，革去官職，絕其通貢。如果情罪深重，仍要據實奏請，以憑勦處。至於向化之夷，又當多方撫字，每遇叩關入貢，則豐其廩。

餽厚其賞賚。使之退無後言。或遇走報虜情。則待之以誠。犒之以禮。使之樂於效命。中間果能將西虜辛愛把都兒。東虜土蠻。設法擒拏。函首來獻者。優以萬金之賞。庶幾善者既知所勸。惡者自無所容。不惟足以服彼夷之心。亦自可以消彼夷之黨。度勢審時。似得分北三苗之義。臣之愚見如此。

會議京管戎政核實十事疏

戎政核實

臣等會同總督京管戎政太子太保鎮遠侯顧寰。巡視京營吏科左給事中辛自修。河南道監察御史劉

存義議得京營之兵專爲京師而設。祖宗居重馭輕強幹弱枝意甚深遠。邊關之事責之邊兵。所以張京兵之羽翼。京師之事責之營兵。所以壯邊兵之根本。氣脉相通聲勢相倚。卽如去冬變生倉卒請調紛紛以致戎政二臣莫知適從欲聽其徵調則腹心爲重調去一枝京城便少一枝之用欲阻其徵調則口語橫生一人倡之百人從而和之。卽今正值防秋臣等以爲先當定其規模中外之臣始便遵守。除通州昌平原係京師肩背肘腋遇有警急酌量分發策應。

已於後開欵內備陳外其餘密雲順義三河良涿等處雖有警急上聽總督軍門徑發邊兵策應不得仍前輕討京兵致誤大計及照事不在於文具政當廣集衆思所據營中一應事宜臣等遵奉明旨始而通行副叅佐擊官各另開報繼而會同巡視科道官同加叅酌連日悉心計處總得十事不敢不從實奏對伏望 皇上俯賜采覽勅下遵行

一核操練之實會議得治兵之法有合操有分練合操而不分練無以熟其技藝之能分練而不合操無

以盡其營陣之變。二者並行。方克有濟。即今下操之

見京兵十二萬合操絕無技藝陣法之奇但多費火

法。列行而立。舉砲而行。主將入營。諸軍環立。中軍者

審其事之上下相蒙顧如是也

進曰稟事件。主案者進曰行文書。常套既畢。方始開

操。曠日廢時。以致將疲士怠。未執弓矢。未持火器。而

精力已先竭矣。僅舉合操。惟日不足。又何暇日及於

分練哉。合無以後合操之日。不必分練。分練之日。不

必合操。每月以初一初八十五二十三十四日為期。戎

政二臣五鼓入營。總閱一次。軍士先期至教場。列隊

而坐。相去五尺。一砲起。二砲列營。三砲開操。照依舊

規操畢。方演技藝。不拘火器弓矢。俱懸銀牌爲的。中者。卽以銀牌賞之。不中者。酌量懲治。科道不時巡視。聽從其便。其餘二十六日。戎政二臣至營。中軍止舉砲三聲。砲畢。官軍分入各營。聽本管將官自行操練。大率弓矢火器。亦俱以銀牌爲的。中者給之。將官下若干人射打。中軍千總把總管隊下若干人射打。預先分定。各另演放。務盡以一教十。以十教百。以百教千之義。戎政臣與巡視科道不必同在一處。隨意各入一營。親爲較閱。除中者亦賞銀牌外。不中者酌量

懲治。管教官旗。各以所教之人中的多寡。分別明白。動支子粒銀兩。買辦花紅聽戎政科道官會定賞格。當面賞勞。少俟各營操畢。中軍再舉砲三聲。軍士以次出營。戎政二臣。然後料理文書。軍士乘朝銳之氣。免久立之勞。得早散之便。一舉三得。人心自然踴躍。一核戰守之實。會議得京邊之兵雖一。戰守之用各殊。蓋邊兵主於戰而守在其中。京兵主於守而戰在其中。邊兵戰於外。則奮其敵愾而手足之義明。京兵守於內。則嚴其彈壓而腹心之體正。近日議者多欲

遠調京兵與虜角。不知倉卒之際。尚當廣集邊兵以衛京師。豈有反調京兵外出之理。合無今後有警。除南有重城。事勢稍緩。不必設營外。東自東便門起。迤

京師演武

遞而西。至西便門止。卽以車營十枝。酌量分布。大率

場在安定門外。亦以重防東北面也。內子之役。奴屯

東北二面爲急。用車營八枝。西面稍緩。用車營二枝。

將臺而城上不取。用砲擊之。至京兵之外屯者。則伏

每枝實管盤一處。虛管盤二處。略如布棋之勢。去城

於方澤牆內。大可恨也。

雖遠。不過一里二里。其戰兵六枝。將副將四員。城東

城北城西城南。各屯一枝。聯絡劄管。不必太遠。緊在

關廂之外。聽臣等相度賊勢。專備城內城外調度。應

援餘下叅佐二枝俱隨臣等戎政二臣同駐適中去處一應軍中事宜臣等得以面相計議外壯車營聲勢內助都城防守度爲兩便萬一通州昌平請討兵馬卽將叅佐二枝分發策應若非十分警急不必輕發徒爲勞費

一核將領之實會議得卽今京營諸將或取其久諳邊務或取其屢有戰功可謂極一時之選矣顧乃逐隊隨行全無表見豈邊關爲易而京營獨難哉臣等以爲不能協和故也每議一事面相從矣復退而相

軍馬之事每如此

嘗每練一兵。訶相詡矣。復陰以求勝。操練無效。則曰
主帥之令不敢少違。及使盡言。又逡巡而掩口。攻刺
無術。則曰。祖宗之制不敢少變。及使議法。止跼蹐
而俯躬。矜已之廉以驕人。發人之私以揚已。夫不和
於衆。不可以師。上負聖恩。中違將令。下失軍心。則將
焉用彼哉。合無以後容臣等戎政二臣。將各官痛加
戒飭。務期視國若家。視軍如子。視賊如仇。上下同心
內外戮力。以慰宵旰之懷。如敢仍蹈前弊。及搖惑軍
心。阻撓軍機者。容臣等科道官從重叅治。以爲人臣

不忠之戒。至於一切營務。統領于上。總其大綱者。臣等戎政二臣之事。分理於下。條其小紀者。諸將之事。舊規一決一罰。一鞭一撻。皆臣等任之。諸將拱手受成而已。甚非所以重將權。明政體也。今後合營之事。不特得體且易行法。臣等戎政二臣主之。各營之事。各將主之。若身之使臂。臂之使指。有兼督之簡易。無掣肘之嫌疑。方爲長便。

一核軍士之實。會議得莫難於練兵。尤難於選軍。固有選時強壯而練時衰疲者。亦有選時精銳而練時

疾病者。故選軍以備練軍之用。練軍以寓選軍之法。二者不可偏廢也。今選軍已半年矣。能無衰疲疾病者。厠于其中乎。合無容臣等戎政二臣。於每操練之時。嚴行各營將官。詳加閱視。但有衰病軍士。卽行摘出。換作城守備兵。營中挑選精強者。不必類行。隨缺有老弱矣。隨補。是無日不練。無日不選行之既久。人人皆可練。人人皆可選矣。

一核論議之實。會議得三軍之心。至難齊一。論議不宜太多。法令不宜太煩。卽如近日營政。或軍分三等。

而朝政夕更。或將列各營而東移西調。譬之醫家。處方既定。不俟奏效。輒爲易方。奕者布勢。方成不待終局。輒爲變勢。施於一人。尚難行之。而况億萬之衆哉。合無以後京營一切號令未定之前。不害于同。不嫌于異。既定之後。姑令遵守。以考成功。若今日曰當因。明日曰當革。一人曰當守。一人曰當戰。橫議紛紜。揆之政體。甚爲錯謬。况謀事貴廣。處事貴決。持不斷之意。集盈庭之言。何時議論方已哉。此於軍務。極爲喫

緊

一核火器之實會議得京營原選戰兵六枝兵車十

送日本管操演自實至已砲聲不絕日費火藥

枝全賴火器以為長枝製造不成則器不成用每致

千金蓋演放火藥一則辨其器之良窳一則顯其技

反傷給發不速則器不相習必致誤事巡守官軍尚

之情慈今演試數次則工既辨矣既無鎗子憑空發

可陸續處給惟戰車兵一十六枝時不可緩每兵車

火則於準的無揀矣徒日費千金何益特以地聯官

一營約用連珠砲三百二十位夾靶鎗一千桿每出

苑聲連禁中凡技擊馳驟聲皆不可見惟此砲聲可顯

戰一營約用連珠砲一百位夾靶鎗一千三百桿總

忠勤此人臣欺上之最甚者無人察之何哉

該二萬一千六百位桿鉛子隨火器倍給合無聽臣

等備行工部春秋兩防查照前數盡行領出責令軍

士常川演放遇晚收於德勝安定二門新設庫內試

驗堅好者留營備用。損壞不堪者送回該局。即便改造以革異日混給之弊。畢日通行交還該局。

一核兵車之實。會議得兵車之設較之馬兵十分省便。但運用驅馳不無損壞。若毀輪敗轆腐繩朽索與無車同耳。合無每年春秋二防。容臣等戎政二臣備查各車營輪轆有無堅緻。繩索有無牢固。如有不堪及缺少者。備行工部不時修理。方得實用。

一核城守之實。會議得都城正陽崇文宣武三門外有重城。每門止用軍二百名。共六百名。各委號頭一

員統率把總管領。其餘六門并重城七門每門官軍五百名。共三千五百名。與同各該守門官軍相兼守把。都城敵臺一百二座。每座軍十名。共軍一千二十名。堞口六千四百處。每口軍一名。共軍六千四百名。重城敵臺五十七座。每座軍五名。共軍二百八十五名。堞口八千九百九十二處。每口軍一名。共軍八千九百九十二名。臨期如有事故。聽臣等戎政二臣。卽於班軍內照缺撥補。每門將官一員。督率千把總官管領。晝夜巡警。悉聽欽命大臣調度。本營一面預造

花名文冊。不僉日月。逃故者明註其下。以革臨時混淆之弊。

一核彈壓之實。會議得都城內鼓樓東西二處。四牌樓二處。東安門西安門大街二處。左右長安門大街二處。東西江米巷口二處。共十處。每處軍五百名。共軍五千名。各委中軍千把總官管領聽候調用。東西仍各總委將官一員。往來提調。重城內豬市口東西二處。每處軍五百名。左安門東便門適中處軍五百名。右安門西便門適中處軍五百名。永定門內東西

兩處每處軍五百名。共三千名。各委中軍千把總管領擺列。仍總委將官一員往來提調。二項遊兵俱於三等城守軍人內選用。如或不足。卽於班軍內挑選強壯者相兼守城。替出三等軍人。都克前項之數。一以潛消奸宄。一以聽候策應。

一核哨探之實。會議得京營事體。雖與邊鎮不同。春

○兵○部○舊○設○差○探○人○

秋兩防。虜情急緩。均當預聞。若止憑邊鎮傳報。則是具。然。食。糧。甚。輕。其。人。多。市。棍。投。託。衙。門。者。故。全。不。得。全寄耳目於人。萬一爲其所誑。候事不淺。近例各邊

共用也

夜不收哨探明實。防禦有賴者。陞實授一級。陷歿者

皇明經世編

楊襄教奏疏
卷之四
裁政核實
三

陞署一級。被傷者量賞。委爲鼓動人心之要。合無每當春二三月。秋八九月。容臣等戎政二臣於各官家丁內。慎選道路熟知。年力精壯者。齎執火牌。前去薊鎮宣大沿邊分投哨探。果能哨探明實。或被殺被傷。照依邊鎮一體陞級加賞。以示激勸。

賁成宣大山遼四鎮邊臣修築墩堡疏

四鎮修堡

照得京師地方。以薊鎮昌平遼東爲左輔。以宣府大同山西爲右輔。制馭夷虜之方。薊鎮昌平自爲一局。主於修牆設險。而戰寓於其中。見今總督劉燾公同

鎮巡等官加意舉行。無容別議。宣府大同山西遼東同爲一局。修牆設險。僅可阻遏零騎。虜若拆牆突入。地敞兵寡。勢難自禦。在沿邊則當整飭烽墩。以明耳目。在近邊則當修築墩堡。以便收保。所謂堅壁清野。必須壁旣稱堅。然後野可望清。近日山西兩次之警。可以爲鑒。卽今春和土融。呈乞通行四鎮一體查處。以消虜患等因。案呈到部。看得宣大山遼四鎮墩堡。或原設而年久傾頽。或新設而被虜攻毀。或散居原未設堡。或仰衛聊爲小寨。或藏之窯洞。或伏之窰窖。

官府全不經心。小民多屬無力。橫被搶殺。甘心坐視。

臣博昔巡撫甘肅。創爲墩院之制。中爲一墩。四面築

今中原村落無寇亦宜倣此

一小城。極寬不過十丈。費少易成。地狹易守。虜嘗擁

衆數萬突入涼州。一無所掠。卓有明驗。所據該司具

呈前。因甚於地方有益。相應依擬題請。合候命下。移

咨總督宣大尚書江東。巡撫山西侍郎萬恭。宣府都

御史李秋。大同都御史張邦彥。遼東都御史劉應節。

各將沿邊火墩。并近邊軍民墩堡。分委守巡兵備司

道。并文武官員。速行估勘。原有損壞者。因而修理。原

未設立者。從而添築。如堡大人少。則止據堡之一二
角墩。軍民有力。則令其自築。軍民十分無力。卽將合
用銀兩。逐一估計明白。具奏前來。以憑處發。大抵此
舉。全是巡撫之責。果能處置得宜。在官使無虛費。在
民使免騷擾。在虜使無侵軼。方稱 聖皇委任責成
至意。文書到日。通限半月。以裏每衛每所。每州每縣
各另畫一水墨小圖。并委過官員職名。巡撫衙門徑
自咨部查考。一面移咨都察院轉行各該巡按御史
候工完之日。親詣查勘。如果足堪保障。卽將總督鎮

巡等官具奏獎賞。若以虛文塞責。全無成效。一體指名叅奏。

覆宣大總督江東酌議板升疇正

板升
疇正

看得大同總督鎮巡官江東姜應熊張邦彥等題稱

嘉靖四十五年事也

板升李自馨等欲要率衆投降一節。臣等逐一叅詳。守巡兵道熟計虜情。謂降亦擾。不降亦擾。擾亦防。不擾亦防。此數言者。誠爲確論。總督鎮巡逆料人言。謂或歸咎於拒降所致。或藉口於招降爲媒。或責備於區處無方。此三說者。具見苦心。大抵虜人求人我邊。

謂之投降。漢人復入我邊。謂之歸正。乃今李自馨等既以歸正而來。聖皇在上。天覆地載。元元赤子。何忍拒之。但其中情偽。尚不可知。此外機宜。均難懸斷。合候命下。移咨尚書江東。嚴督總兵官姜應熊。巡撫都御史張邦彥。切不宜差人先入虜營。以啓釁端。止將李自馨等。加安置。靜以待之。李自馨等。如果幸衆來歸。卽便細加譯審。必須的係漢人。方許入邊。應該如何安插。應該如何陞賞。應該如何防範。便宜處置者。徑自處置。請旨處置者。星馳會奏。至於真虜。雖幼

男婦女。一人一口。不許輕易放入。如果李自馨等別有阻礙。不能卽來。置之不問。惟當謹我邊備。

覆巡撫山西侍郎萬恭條陳三關事宜疏

一曰議聯絡。大率謂九邊將領一遇虜犯。束手旁觀。按兵坐視。欲要通檄總督鎮巡等官。果有點虜大舉消息。左右境鎮。不待調遣。各以馬軍策應。賊退之日。聽巡按御史覈實功罪。委爲聯屬邊防之意。但薊昌二鎮。腹心重地。難與諸鎮槩論。春秋兩防。急緩不同。自當從長議處。况游擊勅內。原有應援隣境之文。專

制關外。尤其是總督軍門之任。合無斟酌所擬。除薊昌二鎮。不必應援外。通行各邊總督鎮巡衙門及各該大小衙門將領等官。今後春淺秋深。如遇大虜侵犯消息。各要嚴加哨探。必須真知本鎮絕無虜蹤。方許先以步軍分布要害。防禦本境。仍不待調遣。總督官卽行鎮巡官揀選精銳馬軍邀擊。如賊犯山西。大同則應之於東。延綏則應之於西。如賊犯宣府北路。東中二路各出奇兵援之。推之各鎮各路。莫不皆然。賊退之日。聽該鎮巡按御史分別功罪。旣不宜舍己之

田以失本鎮之防。亦不宜秦越之視。以昧共濟之義。違者仍聽巡按御史指名叅治。

一曰議防守。大率謂三關擺邊之軍。其患在於邊長人寡。賊萃我散。以致往往不格。欲要遵奉墩院之制。因墻修築墩院。至於守墩卽以守墻。修墩卽以修墻。修時亦守。守時亦修。此數言者。誠爲確論。合無悉如所擬。從實舉行。

一曰議勾克。此段部議不允。得旨存。詳軍政。若再行。大率清勾軍士。旋復逃亡。欲要移文兩

詳議本師執奏乃已

京各省清軍官員。每三年一次清解。不必僉發軍丁。

止追衣裝銀兩解赴布政司發邊召募土著頂名操備委爲實政但恐相沿日久反致埋沒銀兩既無完解之益軍伍遂成廢弛之患係干兵制難以輕議合無聽本部仍照舊例轉行各該巡按御史嚴加清勾不許徒爲文具

一曰議接濟大率謂三關馬匹缺少數多欲將先年本部議開軍職犯該邊方立功納銀納馬贖罪并各衛軍餘上納知印承差吏典二款事例照舊開納及不許上銀止從本色以補各營急缺馬匹查得前項

事例先以停止。但今山西三關兵荒之餘，戰馬半耗，委當多方處補。合無斟酌所擬行令，巡撫萬恭再將前例督行山西布政司出示該鎮再開三年，止許照例納銀貯庫，相兼該鎮椿朋等銀分發守巡兵道陸續收買臙壯馬匹，驗印給軍，限滿停止。別省別鎮不許援以爲例。

一曰議揀選。大率欲將三關軍士分布上中下三等，給與馬匹器械以備選鋒列營城守之用。查得揀選軍士正是鎮巡之責，今欲軍門嚴行將領無非慎重。

其事務求實效之意。令無依其所擬。移咨總督江東。備行山西總兵等官。趁今秋防以前。務將各營軍馬。精加揀選。照依等第。分別操練。以後不必定以五年為限。每當春秋二防。遇有老弱。即便沙汰。一如京營操中寓選。選中寓操之意。

一日議。招回大率。謂頻年虜入內地。擄去人口。各懷故土。祇被虜羈。不能展脫。欲要擴議賞格。優錄招回之人。及分別首首謀主。併明我耳目等第。查得先該總督尚書許論題。該本部覆奉欽依。有能斬獲俺答。

把都兒大頭兒首級來獻者封以伯爵賞銀一萬兩
斬獲丘富周原首級來獻者爲首陞三級賞銀五十
兩爲從陞一級賞銀三十兩俱與萬恭所議相同合
無申飭各邊總督鎮巡等官明諭沿邊大小將領不
拘漢人虜人果能密切擒斬虜首等項定照上等事
例一體陞賞各該將領仍要加意招徠用心接引遂
我人歸向之心散彼虜逼脇之黨方稱任使如或明
肆阻攔或暗行戕殺俱聽督撫衙門輕則以軍法究
處重則以處置憲典以示後戒

皇明經世文編卷之二百七十七

徐孚遠閣公 陳子龍臥子

華亭

選輯

宋徵璧尚木 顧開雍偉南

邵梅芬霏玉叅閱

楊襄毅公集

疏

楊博

奉旨會議勾補軍丁責成撫臣管理疏

勾補軍丁

臣等會同兵科都給事中邢守庭等議得各邊軍士自國初以來編發罪發雖頭項不同均是募民以實

塞下之意。歲月既深。人情遂玩。或厄於旱荒。衣食不給。或苦於掊剋。啓處弗遑。老者以死。壯者以逃。遂致敵愾乏人。捍禦就廢。以故巡撫侍郎萬恭感時憤激。有此衣裝銀兩之議。但事必稽諸國體。方可經行。政必愜於民情。始能垂久。臣等再三籌度。似應仍以勾丁爲正。卽如山西一省。州縣三十有奇。每州每縣。雁門偏頭寧武三關之軍。多者六七百名。少者不下四五百名。通以五百名計之。可得四萬餘名。往時止令巡撫御史帶管清補。今若比照薊鎮兩關事例。就令

巡撫管理都臺責軍伍掌調發自選嚴重令自易行人性堅剛邊托之又得用

軍士以衛所為家父兄子弟在焉以州縣為老家族

姓在焉關營之軍有缺先當於衛所捉捕司其事者

掌印指揮千戶之責若照薊鎮事例定為舉刺賞罰

掌印指揮千戶自當悉心幹理不敢違悞至于兩京

各省仍當一體清理得一人則有一人之用得十人

則有十人之用要之不若整理本省之軍尤為便利

合無備行萬恭督同布按二司清軍官并守巡兵備

道先將三關逃軍通行查明衛所有丁者於衛所勾

補衛所無丁者。於州縣勾補。年終備將補過軍士造冊送部查考。一面將州縣衛所掌印官查其勾補有成。并全不勾補者。指名舉刺。以憑旌賞降罰。以示激勸。本部仍行兩京十三省巡按御史將山西缺伍之軍。各另嚴加清勾。遠者限半年以裏。近者限三箇月以裏。將解過軍士。備細奏報。以憑轉行萬恭。各查有無到邊從實回奏。臣等遵奉特旨。不敢不悉心計處。以求有益。但識見媿淺。深切悚惶。伏乞 聖明俯賜裁定。勅下遵行。臣等幸甚。地方幸甚。

覆巡撫山西侍郎萬恭請遲擺邊兵馬節餉疏

擺邊
兵馬

看得巡撫山西左侍郎萬恭具題前因大率謂該鎮防秋兵馬俱已分布停當及稱本鎮往年擺邊始于六月撤邊終於九月。今秋虜情尚早不敢空費約於八月初一日赴邊可省行糧八萬餘兩以備十月緊急及作來秋客兵支用仍乞永爲定例一節爲照各鎮防秋事體料敵爲上節餉次之今歲侍郎萬恭乃能參酌虜情將擺邊兵馬易于八月初旬在官軍旣

省久戍之勞。在糧料足備方來之用。一時壯猷極可嘉尚。但兵貴相機。似難遂爲定例。係于邊務相應通行酌議。合候命下。移咨萬恭將所省擺邊兵馬。六月七月錢糧八萬餘兩。准作今歲冬月之用。如果哨無警報。留作來歲秋冬之用。悉如所擬施行。以後擺邊不必拘泥月分。但以虜情緩急爲序。如虜報孔棘。雖早一月二月。上邊虜賊實緩。雖遲一月二月。下邊俱無不可。惟在動中機宜。務報萬全。

議選練州縣民壯疏

選練民壯

查得弘治二年該本部題准令天下州縣選立民壯照依里社以爲額數如州縣七八百里者每里僉二名五百里者每里僉三名三百里者每里四名百里以上者每里五名大約多者千有餘名少亦不下四五百名卽今相沿日久名在實亾每遇地方有警動稱無兵必須仍復舊制以壯兵威以嚴內治呈乞計處等因案呈到部看得今之郡縣卽古之諸侯昔人謂與之地土人民而不與兵是以匹夫而守一州誠爲至論弘治初年本部尚書馬文升有見于此選設

民壯。量里社多寡。爲編僉。則數遽慮深謀。真得古人
寓兵於農之意。若使州縣正官。果能蒐選得人。訓練
有法。無事可以彈壓奸宄之心。有事可以坐收擒勦
之効。邇年以來。浸失原意。或以之調防邊塞。或以之
抽補軍役。甚者公然折銀。私自役占。徒有民壯之名。
未見兵勇之實。卽如近日四川南直隸妖寇之變。攻
陷城池。焚劫官庫。守土官員。坐視縱橫。束手無策。誠
爲後車之鑒。所據該司具呈前因。相應亟爲議擬。合
候命下。并行南北直隸并十三省巡撫都御史轉行。

兵備守巡該道著落各府州縣掌印官照依弘治二
年事例卽查本州縣原額守城民壯若干見在若干
逃亡未補若干中間守邊抽軍折銀各若干卽今應
該作何處置或將本處見有快手機兵等項改補止
要查復原額之數不必多增一人以致勞民傷財文
書到日通限兩箇月以裏開欵奏聞稍俟規畫事定
編立隊伍每五十人爲一隊設隊長一名一百五十
人爲一摠設摠管一名專理責之州縣巡捕官兼理
責之州縣掌印官摠理責之該府掌印官各查空閒

官地一區立爲民壯教場。春夏秋三季月操六次。至冬操三歇三。務使武藝精熟。器械修整。如遇艸寇生發。即便督率勦捕。有兵備官處聽兵備官。無兵備官處聽守巡該道官。不時教閱。撫按官巡歷至處。與同衛所官軍一體操練。如果有人強藝精卓有成效。許其特爲奏薦。重加獎賞。怠玩廢弛者。指名叅究。歲終巡撫官將該管守巡兵備掌印巡捕官開註勤惰送部查考。如敢占役查照私役軍人事例。重加降罰。一整飭之間。既無增餉之勞。立見足兵之利。事關機要。伏

乞 聖明俯賜裁定。

覆大學士高拱等建議責成宣大等七鎮邊臣
及時整飭邊備疏

看得大學士高拱等題稱大率謂北虜率衆款塞、稽
顙稱臣、朝廷准其貢市、錫以爵賞、其說有三、一則受
彼之來、則彼之嗜欲繫於我、而可免侵擾之害。一則
容彼之請、則我之法制行於彼、而坐收安寧之利。一
則外示羈縻、專修內治、以爲經久之謀。據今日之見
行、則前二說已有成效、爲將來之大計、則後一說亟

當勉圖。至其詳論內治要領。則欲乘此閒暇。積錢糧。修險隘。練兵馬。整器械。開屯田。理鹽法。廣收胡馬。解散逆黨。更有沉機密畫。不可明言者。皆將次第舉行。且責成本兵與邊臣內外協心。着實整頓。仍乞勅諭邊臣。及遣官閱視。比照獲功失機。分別功罪。以示勸懲。各一節。除薊遼二鎮原與西虜無與。另本議奏外。爲照自古聖王之於夷裔。不過德威二者而已。叛則威以警之。有防禦之經。來則德以綏之。有制馭之權。卽如虜首俺答。兵力盛強。甲于北鄙。控弦之士。不可

勝計。又得老把都兒黃台吉。吉能等爲之羽翼。丘阜
趙全。李自馨等爲之腹心。自我斬其虜使以來。宣雲
山。陝。延。寧。甘。固。之間。受害甚慘。甚至攻破州郡。蹂踐
郊圻。三十年間。迄無寧日。所幸天伐其謀。神奪其魄。
自以愛孫把漢那吉之故。稽顙稱臣。惟恐或後。不煩
一矢。而七陲晏然。生靈免荼毒之災。不費斗糧。而群
雄帖爾。士馬少調遣之擾。允協先皇之心。有光

二祖之烈。此實我皇上大化神明。鴻恩博洽。聖

德格天所致。而輔臣高拱。張居正。殷士儆。謀斷。卅資

力贊其議。邊臣王崇古、劉應箕艱危不避，身任其責。功在地方，俱難輕泯。乃今櫛括經制之詳，列爲三策。繇前二策，權以濟變，淵深莫測，殊得惇大之體。繇後一策，道以守經，注措有章，足收明作之功。爲國深遠，忠猷誠如聖諭。所據奏內積錢糧等事，卽當一一舉行，以修實政。往歲苦其侵暴，欲爲而勢有不能。今日趁此閒暇，應爲而時不可失。各邊文武諸臣，與有修攘之責。果能着實修舉，著有勞績，比照擒斬事例，重加陞賞。如仍踵習故套，搪塞誤事，卽照失機律例，從

重擬罪。仍望 皇上俯賜採覽。將宣大山西延綏寧夏固原甘肅七鎮總督鎮巡官。各賜勅一道。令其破格整飭。應便宜者便宜施行。果有改絃易轍。應奏請者。明白具奏。候隆慶六年十月以後。分遣才望大臣前去閱視。從實回奏。臣等待罪。奉命。叨承樞筦之寄。亦不敢不悉心程督。重負委托。自速罪戾。題奉聖旨。依議着實舉行。

一積錢糧。臣等議得往歲一入秋月。卽將兵馬分布信地。變主爲客。糜費不貲。合無通行七鎮總督鎮巡

等官各將各枝兵馬酌量虜情仍照防秋舊規分布停當無警各守禦原住地方不許離局有警各奔赴所分信地不許誤事其宣府南山一帶照依總督王崇古題奉欽依事例不必先期駐守防秋畢日果有節省錢糧另項收貯各置文簿一扇開載數目其戶部應發年例銀兩逐年處發不得因而短少通候大臣至日閱視施行。

一修險隘臣等議得以靜致動以逸待勞修設險要實爲防邊要務臣博巡撫甘肅之時督令甘州等十

五衛所所在村落各築墩院。虜嘗突至涼州。守保嚴密。一無所得。且將兵馬棋布於墩院之間。于時斬獲虜首。奪獲虜馬甚多。若使各邊皆能有備。虜雖反側。何能爲哉。訪得宜府城堡。稍有次第。大同則僅完十之三四。山西固原延寧。則僅完十之一二。甘肅墩院。已半就傾頽矣。合無通行七鎮。總督鎮巡守巡兵備等官。各將險隘城堡。加意修築。高厚堅實。以圖永久。工小者聽居民自處。工大者官爲措處。如有重大工程。勘實奏請。通候大臣至日。閱視施行。

一練兵馬。臣等議得兵馬不練。與無兵同。邇來各邊有畏軍士之訛言。而全不操練者。有雖嘗操練而徒爲文具者。大抵大操不如小操。合操不如分操。合無通行七鎮總督鎮巡等官。以後務要時加操練。一人教十。十人教百。百人教千。所在守巡兵備等官。亦要不時監督。操有成效。或全無成效。與將領一體賞罰。以示激勸。通候大臣至日。閱視施行。

一整器械。臣等議得器械不利。以卒與敵。委當及時整理。但軍士貧苦。力不能辦。軍三民七。軍器雖解納。

工部半多不堪。若使將價留在本處給與軍士自行

○遣○性○命○所○寄○安○得○不○精

打造公私殊為兩便。合無備行七鎮總督鎮巡等官

或應別項討給官錢。或應暫留軍三民七年例各另

議奏聽工部覆議。通候大臣至日閱視施行。

一開屯田。臣等議得開耕屯田以資軍食。是即古人

積粟塞下之意。但小民無知。惟恐糧差累及。逡巡畏

縮不敢認種。臣博巡撫甘肅之時。嘗奏奉明旨。原係

拋荒者。永不起科。近年拋荒者。十年之後。方行起科。

人心踴躍。頗見成效。大抵損上益下。藏富于民。自古

經國之長策。合無通行七鎮總督鎮巡守巡兵備等官。照依前例從實舉行。仍各給與明文。以爲執照。其原有水利去處。亦要設法疏通。以濟屯田之用。通候大臣至日。閱視施行。

一理鹽法。臣等諫得國初鹽法。謂之飛輓。商人射利。以輸邊。邊人得米以餬口。良法美意。無以過之。但官司畏避嫌疑。多派斗頭。以致商人不願上納。勘合復存。置之無用。倉庾盡虛。取之不給。失策甚矣。合無備行七鎮巡撫都御史督同守巡兵備等官。務要設法

疏通以復國家之舊。通候大臣至日。閱視施行。

一收胡馬。臣等議得各邊軍士缺馬甚多。有一營三千馬。僅有一半者。亟當處補。除宣大山西見該右給事中梁問孟等具題。另本議獲外。合無備行陝西延寧甘肅督撫等官。各將各營缺馬數目。分別具奏。以憑給發馬價。務要收買臚壯好馬。事完造冊奏繳。青冊送部查考。通候大臣至日。閱視施行。

一散逆黨。臣等議得逆黨不散。則勾引之禍。蔓延未已。卽如丘阜趙全等。是其明驗。合無通行宣大山西

延寧固原甘肅七鎮總督鎮巡等官設法招徠歲終仍照舊例以人口多寡分別陞賞果有沉機密畫不妨徑自酌處通候大臣至日閱視施行。

責成薊昌遼保諸鎮邊臣及時修飭邊備疏邊備

照得薊昌二鎮拱護陵京根本腹心比之九邊事體特重自嘉靖庚戌以後每歲四時無時不防而秋防尤為吃緊東西二虜無歲不窺而東虜更見垂涎即日西虜俺酋稱臣稽顙似無別虞而東虜土蠻慙憤陸梁勢必狂逞即如今歲四月則寇連山五月則寇

盤山六月則寇名河計其出沒之地雖在於遼度其
奸狡之情實在於薊况今秋高馬壯正係彼虜馳騁
之時寧先事而過防無寧後時而失策該巨看得薊
昌二鎮密邇陵京委爲根本腹心重地以臣等耳目
之所覩記西虜侵軼者十之二三東虜侵軼者十之
八九春防稍緩尚當戒嚴秋防孔亟豈容怠誤臣等
待罪本兵惟恐仰負委托不敢不先事圖惟謹將應
行事宜開坐上陳伏望皇上俯賜採覽勅下臣等
遵奉施行地方幸甚

一定戰守。臣等議得。薊昌二鎮。已該摠督劉應節等。將各該兵馬。分布停妥。題奉欽依。無容別議。但向來口語紛紛。咸以守牆爲怯。或欲牆外邀擊。猶爲害七。而利三。或欲牆內奮擊。誠爲利一。而害九。言之似若可聽行之。實無少效。蓋因牆拒守。兵法所謂先處戰地。而待敵者逸。名雖善守。實爲善戰。臣博嘉靖三十二年。摠督之時。嘗與東虜十萬之衆。相持旬日。匹馬竟未入邊。損傷虜衆。不可勝計。于時虜酋打來孫。卽土蠻之父。抱恨而歸。先皇誤以臣爲功。錫臣陞廕。

怯。朝。漢。塔。起。鳥。能。飛。耶。

薊。鎮。進。後。一。入。增。明。人。心。內。

後臣復任摠督。益復習明薊事。以爲必當守牆。萬無可疑。若使潰牆而戰。戰雖有功。風斯下矣。况未必能戰乎。合無備行總督劉應節。巡撫楊兆。總兵戚繼光。楊四畏。今次虜若臨牆。不拘薊東薊西。決意拒守。牆臺以必保萬全爲主。上以答 聖主東顧之懷。下以慰畿民安堵之望。賊攻去處。果能保無他虞。不分文武官軍。照依斬首事例。題請陞級。一體世襲。敢有訛言惑衆。破壞守牆之說者。總督官先以軍法究治。仍行解京。治以重典。

一明應援。臣等議得薊鎮官兵。既以分布守牆。同心同力。自然可保萬全。而意外之防。不可不慮。所據鄰鎮兵馬。必須預擬停當。臨期方免誤事。合無行遼東撫鎮官張學顏、李成梁、保定撫鎮官宋纁、李勇、宣府撫鎮官孟重、趙崑。各將所部精銳人馬。一面時加選練。不許離局。一面差人於薊遼軍門探聽土蠻。但有侵軼古北口、石塘嶺、黃花鎮一帶消息。張學顏、宋纁、孟重仍各防守本鎮。李成梁由山海關自東而西。李勇由保定自南而北。趙崑由居庸關自西而東。宣大

總督尚書王崇古亦照原奉欽依事理入關應援。大率以保護陵京爲主。至于宣府大同之鎮城。陽和之會城。仍要多留兵將以防西虜反側之虞。內遼保二鎮之兵。原係薊遼軍門節制。雖徑可調遣。非得仰仗天威。特勤天語。人心未免怠緩。少誤事機。關係不輕。一申駐守。臣等諫得昌平陵寢。通州積貯。雖事體輕重不同。均當早爲嚴備。先該吏部掌管部事。大學士高拱等題註本部侍郎四員。一員協理部事。一員防守九門。一員駐守昌平。一員駐守通州。各有專責。事

體已定。但去歲事出倉卒。所統之兵。尚未定擬。趁今
閒暇之時。相應預爲酌處。合無備行總督侍郎劉應
節。巡撫都御史楊兆。總兵官戚繼光。楊四畏。會同查
議。要見二侍郎駐守之日。應以何項兵馬。聽其調度。
一面咨部知會。一面徑咨二侍郎知會。二侍郎亦要
先期各赴所分地方。自行料理。完日回京。直候有警。
方行前去調度。

一處京營。臣等諫得京營兵馬。祖宗設立之意。原
爲強幹弱枝。居重馭輕。譬之紫薇之垣。衆星環繞。不

容一星失次。向來此義不明。薊鎮但有警報。卽將兵馬列營城外。或一二里。或三四里。將官不過假此塞責。徒爲文具。遂致城守乏人。聊以火夫充數。萬一突有庚戌之變。城守內虛。兵馬外隔。一舉而兩失之。合無容臣等備行。總督鎮遠侯顧寰。協理右都御史譚綸。卽將本營將兵。于教場內。略照內城外城規格。遂一分派。若常設法操演。令其曉然。各知信地。既不許張皇。以致人心驚疑。亦不許疎略。以致事體乖刺。此外每門。仍量留精兵。以備臨期相機調遣。至于郊圻。

之外。正係督撫總兵信地。戰守機宜。自當聽其徑自計處。

一論屬夷。臣等諜得朶顏三衛屬夷。陽順陰逆。弱者爲東西二虜之耳目。强者爲東西二虜之羽翼。恃東虜之衆。倚西虜之強。自嘉靖庚戌以來。勾引騷擾。無歲無之。誠可痛恨。卽今西虜俺答旣以臣服。諸夷大失所倚。乘其氣怯之時。相應陰折其心。合無備行總督劉應節巡撫楊兆總兵官戚繼光責令撫夷官通於喜峰等口明白曉諭。你每平日專倚俺答。并老把

都之勢。即今俺答等進貢開市。極其恭順。縱有東虜土蠻。其何能爲。土蠻今秋如敢復來擾邊。朝廷已調下數十萬人馬。痛加殺他。就令老把都黃台吉搗他巢穴。殺他老小。已都約定了。你每若能先期傳報。明的。臨期協力勦殺。自當奏請重加陞賞。若傳報不的。面相欺誑。外示恭順。中懷反側。天威在上。定行一體勦殺。不要後悔。其廣寧開原馬市諸夷交易之時。遼東撫鎮官亦要一體曉諭。以伐其謀。

一修內治。臣等諫得前款所陳。不過防秋一時權宜。

之計。至于修內之策。薊遼保定三鎮與宣大等七鎮事體相同。必須一體整飭。方成畫一之政。合無容臣等將大學士高拱等所議積錢糧修險隘練兵馬整器械開屯田理鹽法收胡馬散逆黨等八事。通行總督侍郎劉應節巡撫都御史楊兆張學顏宋纁總兵官戚繼光楊四畏李成梁李勇督同守巡兵備等官各隨宜修舉。候隆慶六年十月以後。分差大臣通行閱視。具由回奏。果能着實修舉。著有勞績。比照擒斬事例。重加陞賞。如仍踵習故套。搪塞誤事。卽照失機

律例從重擬罪。仍乞將總督鎮巡官各賜勅諭一道。應便宜舉行者。令其便宜舉行。果有改弦易轍。應奏請者。具奏定奪。大率薊遼二鎮虜警未息。比之宣大等七鎮。保定一鎮邊情稍寧者不同。閱視大臣至日。亦當稍存寬假。

覆都給事中章甫端等隄備薊遼二鎮疏

薊遼二鎮

看得兵科都給事中章甫端等具題前因大率謂邊鎮傳報虜情。要捨寧前。乞要申飭該鎮總督撫鎮等官。加謹防守一節。爲照遼東寧前地方。與薊鎮山海

關一片石一帶。相爲唇齒。卽今東虜跡雖向遠。志實
在薊。正繫聲東擊西之計。其在彼虜有可疑者三。俺
答原係土蠻之屬。今旣納款封王。土蠻心懷不平。勢
必一逞于薊。前歲棒極崖之敗。俺答嘗譏笑其怯。土
蠻含羞數年。必將發憤于一旦。往時開原廣寧二市
每市多至二三千人。今歲至多不過二三百人。糾衆
之狀。居然可見。其在我邊可慮者。亦有三。邊人無知。
以爲西虜旣服。可以晏然無事。不知西虜犯薊者爲
少。東虜犯薊者爲多。豈可以西虜之服。遂忘東備。又

謂東虜雖衆其勢甚弱。縱使大舉其何能爲。不知東虜比之西虜固爲稍弱。比之我兵則驍雄百倍。屢年入犯全勝而歸。是其明驗。東虜每當大舉輒露形于遼。以緩我師。直至九月下旬。十月上旬。方始突然而至。卽如嘉靖三十二年入犯古北口。則在九月二十七日。嘉靖四十二年入犯牆子嶺。則在十月初一日。若使誤中其謀。爲害不輕。臣等待罪本兵。重念腹心根本。深切憂惶。旣經該科具題前來。相應通行申飭。合候命下本部。馬上差人移文薊遼總兵劉應節。巡

撫楊兆張學顏總兵官戚繼光楊四畏李成梁各差人襲蹤遠哨賊若東犯遼東則堅壁清野以逸待勞設伏出奇以衆擊寡賊若西犯薊鎮務要依墻拒堵以守爲戰聿成萬全之功直待九月以後十月以前方可解嚴仍各不時報部以憑調度施行。

覆薊鎮查盤御史余希周等議處戍兵疏

薊鎮戍兵

看得薊鎮兵馬國初額設十萬名爲主兵自嘉靖庚戌之變添設各邊入衛兵馬共一十四枝名爲客兵初意以練主兵爲經調客兵爲權非專恃客兵以爲

常也。追今二十餘年。訓練之方。雖無歲不講。竟無實用。方議減西兵。卽議添南兵。紛紜擾攘。何時而已。夫燕趙之人。素號驍健。昔人用之。北拒強胡。西當秦晉。南卻楚東。威齊。所向有成。古今天下。同一人也。何獨今日之不然耶。大小邊臣。受直急事。責自難辭。今據總撫巡按官具題。前因在監察御史余希周議。咨兵共說有二。一則要選定一營。常川在薊駐劄。其千把總官。比照調衛事例。量爲優處。隨軍同駐。一則要限以三年爲度。見面更代。馬匹器械。不必更易。責令前

班將領收貯。交付後班。其行月二糧。通從薊鎮支給。換班之日。截日開除。是蓋欲蘇息客兵。卽爲漸處主兵之計。在摠督劉應節。巡撫楊兆總兵官戚繼光。議主客兵其說亦有二。一議蘇客兵。則欲將延綏衛兵四枝。分爲兩班。一在薊門。一在本鎮。各以十一月中旬旬起程。至歲暮還家。着役互相更換。寧固二枝。一體施行。仍免其工作。加其犒賞。調停本折。以示優恤。一議足主兵。則欲盡北直隸州縣。照丁地出兵。一應糧差。盡行蠲免。若有不可免者。灑派各省。或以天下之

此法亦不可行

力協濟。各該有司。惟以興學勸農治盜理訟爲職。無復催科。使百姓皆兵。爲策之上。其次則照御史余希周所議。留客兵一枝常川駐劄安插。又欲分差御史數員。清理逃軍。勾選壯丁。設立營房安插。及稱南兵善守。其益有六。願罷山東民兵一枝。欵取工食。養贍五千。并見在三千爲三營。以守爲戰。是蓋欲專足主兵。以爲漸減客兵之謀。臣等反覆叅詳。無非以薊鎮密邇陵京。根本重地。衛兵決不可減。爲此萬不獲已之計。除北直隸八府三丁抽一變。民爲軍。難以輕議。

外所據議常戍客兵、議輪戍客兵、議清理主兵、議添調南兵四事。合就開立前件、議擬上請、伏乞 皇上俯賜勅下、各該督撫總兵官刻期舉行、務臻成效、通候閱視大臣至日、從實具奏。

議覆添調南兵疏

臣等看得南兵之不敢輕調者、其說有三。一則恐其奸淫騷擾。二則恐其風土不宜。三則恐其原未見虜。乃今督撫官劉應節、楊兆俱言可用、總兵官戚繼光言之尤詳、任之尤力。大率謂今募南兵、專爲守臺、一

戚少保之非募南兵者亦思川

趙人之意且欲以南兵救北兵也其後閱兩大雨
到卽發臺上。經年以臺爲家相去人烟旣遠又無
軍皆寡獨一軍抱千山立問之乃南兵也曰將軍全
市交易有何騷擾有何奸淫又謂南兵在薊已經三
年。風土儘宜。又謂黃崖義院等口。屢被屬夷侵犯。守

南兵乎

墩南兵每成堵回之功。若使見虜必能大戰且計算
南北客兵人馬所給南兵省而北兵費計算南北客
兵道路所給南兵舟而北兵馬了了可據。臣等又與
原任摠督譚綸面相商確綸深以繼光之言爲然。艱
大之責旣付之于督撫摠兵其所曲區若一不之聽
于後地方誤事必將有詞可諉。合無稍俟防秋畢日

于東西二路副將內聽劉應節定委一員見在南兵內有願回者押遣回還一名仍補一名再于寧紹金台四府選募六千名移文浙江巡撫都御史於庫貯減兵銀內每名給安家銀五兩沿途不給行糧到薊之日備查客兵原分地方照數更替南兵添一名則邊兵減一名卽以邊兵糧艸作爲南兵工食新舊三枝共九千名合用兵領聽戚繼光查取素能練兵官貢開送督撫衙門具題推用其山東民兵免其赴邊不論馬兵步兵每名每歲折銀二十四兩解送薊鎮

專備南兵支用。不知果否相應。合行山東巡撫都御史梁夢龍督同各兵備道。或應從宜折銀。或因照舊赴邊計處停妥。具繇回奏。

覆陝西總督都御史戴才議處番夷疏

議處番夷

看得摠督陝西三邊軍務右都御史戴才題稱查議過肅州二衛各族番夷。乞要遷移空堡安插約束。其總理撫治等項事宜。肅州該道毅然自任。甘州欲責局捕都司兼攝。官不曾加職。亦從重。揆之夷情事體。俱屬長便。各一節。爲照甘肅地方。番夷雜處。而肅州

番部尤多于甘。臣博往年巡撫之時，已題奉欽依移住境外金塔寺等處。至今二十餘年，不知何故又容其入內分住。春秋之義外而不內，疎而不戚。旣該總督官戴才勘議前來，俱已停妥，相應依擬合候命下本部移咨新任巡撫廖逢節會同戴才再加酌議。如果別無異同，卽將肅甘二衛地方見住番夷行各該司道遷移原議譚家等處空堡安插，分立界石，籍名約束。其摠理撫夷官肅州聽甘肅兵備道督令大小委官撫治，甘州責令行都司局捕都司不妨原務兼

理分巡該道一體撫治各分理大小委官仍照舊規
選委責成一應官修堡牆夷築寺院并禁諭等項事
宜悉如所擬施行

覆巡撫宣府都御史吳允等計處安插史車二
營屬夷疏

看得巡撫宣府都御史吳允題稱黃台吉下比妓誘
哄車夷帳房三十餘頂往東密雲邊外去訖隨差通
夜前往黃台吉帳房責問回稱番文容自往東邊夷
婦帳房內審查乞要將見留史車諸夷于近邊開曠

處所另築小堡二三座安插永樹藩籬又該巡按御史劉良弼題稱近傳報黃台吉妻統領精兵數千餘騎將屬夷車營恰兒台吉二千夷人帳房數十餘頂盡行擄去及稱車夷與史夷自相依附爲我外藩車夷既去史夷執孤史夷再去則北路藩籬盡撤乞要行令邊臣熟加體察慎度虜情嚴爲隄備各一節爲照宣府北路邊外寄住史車二營均係朶顏族類史營依山林爲巢穴服從最久至于車營效順僅有數年要之皆于我邊無關重輕及查車營受賞冊內總

數不過一千六百有奇。華固等小酋雖稱東夷五樂等大酋部落尚在。所據搶虜車營二千之說似爲一時傳報之過。况黃台吉執稱向不知情。必須就彼查究明白。旣不宜張皇以驕彼虜之心。亦不宜疎略以中彼虜之計。巡撫都御史吳允欲要築堡二三座安插。巡按御史劉良弼欲要慎察虜情嚴爲隄備。無非預飭邊防以圖萬全之意。相應通行議擬合候命下備行。摠督尚書王崇古同巡撫都御史吳允總兵官趙崧差人于俺答老把都黃台吉處嚴加追問要

見鞏固等緣何東徙。責令黃台吉及早遣還。如果占
怯不發。一面將見在史夷家口鞏除撫賞以示後戒。
一面將善後事宜如築堡安插等項從長酌議。務中
機宜。事在關外。邊臣自能同心計處。本部難以遙制。

奉詔條陳邊計疏

題爲欽奉聖諭條陳邊計事。准兵部咨該內閣傳奉
聖諭。朕看得東西二鎮虜寇搶殺至甚。防虜之計。如
何預處。卿等會文武群臣著實詳議來看。欽此。欽遵
備咨前來。臣等竊惟狂胡匪茹。分道憑陵。東犯薊鎮。

則九重震驚。西犯偏關。則三晉騷動。捨殺至甚。誠如
聖諭。荷蒙 皇上軫念生靈。日勤宵旰。特諭輔臣公
同。臣等詳議預防之計。臣等雖至愚極陋。目擊時艱。
敢不祗承。自昔防虜。不過戰守二端。而各邊地勢不
同。戰守亦自互異。卽如薊州昌平保定三鎮。有牆可
恃。虜難保其不來。但當乘高據險。使之匹馬不入。卽
爲上策。山西宣大遼東四鎮。無牆可恃。虜難保其不
入。但當堅壁清野。使之一毫不得。卽爲中策。臣博臣
本固。臣士儋。連日面相酌議。除重將權。明軍令。修城

堡等項事宜已經各官條奏不敢槩及外謹將東西
六鎮戰守之機其大且要者列欵上陳伏望 聖明
特賜省覽勅下該衙門會官詳議裁定施行及照奉
旨建白者臣等之事也詢謀參酌者輔臣本兵之任
也至于削去虛文力求實效者則總督鎮巡兵備將
領之責也若使臣等言之輔臣本兵諫之邊臣不肯
力任其事或明肆異同或陰行規避紙上空談譬之
畫餅竟何益于安攘之效所據責成邊臣同心寅恭
實心幹理乃今日之第一務也又念兵凶戰危人情

所難。朝廷所以驅策之者。惟在賞罰。有功不賞。人固弗勸。有罰不刑。人孰肯輕蹈白刃之禍哉。近歲薊鎮潘家口磨刀谷失守。總督王忬楊選相繼棄市。而摠兵叅將遊擊反從未減。是以今歲虜警屢稱敵戰。竟無一將請纒而死。可以見其情實矣。頃蒙宸斷。逮繫鎮巡。人心始知警惕。而副叅等官田世威劉寶晉進忠吳光裕等。分有信地。不能固守。其罪尤重。亦當先行收問。合無將田世威等提拿到京。聽法司查照所犯。一併擬罪。以爲邊臣縱寇殃民者之戒。臣等不勝

懇切祈望之至題奉聖旨兵部集議來說

一定薊昌守牆之議薊昌二鎮因山爲牆延長幾二千里自庚戌虜變以來屢經修繕河坊口古北口黑谷關一片石等處拒回大虜明有徵驗近因猾虜潰牆說者遂謂牆不可守是誠因噎而廢食也蓋前年墻子嶺失守乃通州官軍今歲界嶺口失守乃河間官軍守兵單弱援兵不至此調度之失宜豈可歸罪於墻哉合無聽總督侍郎曹邦輔督同鎮巡等官趁此冬閒躬履邊垣逐一閱視稍有不備卽爲修補春

秋兩防將調到入衛邊兵分營配搭每路各得一二千名駐劄適中地方猝遇虜衆攻墻令其併力戰守

彼仰面而攻我乘高而擊虜騎雖強恐亦不能飛渡

一定宣府南山之議宣府東路咫尺昌平其四海治

此段於今日宜日一城虜情甚

岔道八達嶺等處俱有通賊要路總督軍門統領重

兵拱護南山實以陵京爲重連年關外增設墩墻深

得重門待暴之義近議紛紛欲將兵馬列于張家口

左右衛等處俟其南下方守南山失策甚矣合無備

行總督都御史王之誥督同鎮巡等官今後春秋兩

防仍照成議謹守南山以慰君父宵旰之懷不得藉口外防致貽內患

一定山西擺列之議雁門寧武偏頭三關均爲山西門戶雁寧二關外有大同猶稱屏障偏頭一關西連延綏獨當虜衝先年寧雁一帶添築邊牆增兵戍守未爲無據然邊長八百餘里原守官兵民壯不滿數萬名曰擺邊實爲故事固未見其倚牆拒守如薊昌二鎮真能遏虜之歸者也蓋薊昌合諸鎮之力爲守頗易山西止一鎮之力爲守實難今該給事中張齊

謀罷擺邊得之日擊。非臆說者。但事在閩外。遽難遙斷。合無聽總督都御史王之誥督同鎮巡等官虛心酌議。務求長便。其實奏聞。如果可罷。每歲秋防官軍民壯止宜屯駐適中地方。遇有虜警。相機戰守。以保萬全。

一定保鎮防守之議。紫荆倒馬龍泉諸關層峰疊障。頗稱天險。且藉宣大爲之屏蔽。虜若南犯。諸關勢必經繇二鎮。即使介馬而馳。亦須數日可到。但當明其耳目。養其銳氣。如果虜犯宣大。已入內邊。南窺洪蔚。

保安靈丘廣昌等處。然後乘墻拒守。斯爲得策。近年以來。先期擺邊。不惟空勞士馬。亦且糜費芻餉。合無聽總督侍郎曹邦輔督同鎮巡等官。每遇春秋兩防。預將兵馬分定地方。照常操練。必須的有警報。方可登墻。以成以逸待勞之計。

一定大同搗巢之議。大同地方。外連朔漠。與虜爲鄰。虜犯山西保定。勢必繇之。先年總兵官梁震每遇虜入。輒率勁兵出邊搗巢。故終震之任。虜卽入寇。不敢久駐。蓋牽于內顧耳。合無備行總督都御史王之誥。

督同鎮巡等官。今後虜果深入。發兵搗巢。冬春虜賊馬踴之時。虜雖不犯我境間。亦搗之。亦不爲過。有功破格陞賞。縱有敗衄。不當輒加開邊啓釁之罪。至于宣府。亦可倣而行之。蓋總兵官馬芳。驍勇不減於震。戮力報國。此其時也。

一定遼東積貯之議。遼東一鎮。濱海鄰夷。中通一線之路。一切兵食。悉加仰給。本鎮之產。且地甚肥饒。收遂左成常稔。但鎮人愚昧。不肯少爲積蓄之計。豐收之年。遂左粒米狼戾。一遭凶荒。坐而待斃。如嘉靖三十八年三

十九年人至相食。食既不足。兵自難振。何以責其敵愾之功。合無備行巡撫都御史魏學曾督同守巡兵備等官多方設法。令其開墾荒蕪。每遇年豐穀賤。處發官銀糴買收貯。仍教諭民間照依江南規則。各自蓄積。務爲一年三年之備。惠而不費。事在可行。

覆都御史龐尚鵬等議儲養邊材疏

看得總理江北等處鹽法兼理九邊屯田都察院右僉都御史龐尚鵬巡按直隸監察御史陳于階各奏稱儲養邊材以圖安攘實效事。臣等反覆二疏。摠其

大意一則欲慎選邊材。預養於未用之先。一則欲久任邊臣。優處于有功之後。其議互發。其事相須。誠有資于用人圖治之計。但兵家之指。非口說之難。而身

○又○惟○廟○新○鄭○之○疏

親閱歷爲難。則是儲養邊材。豈止當求之郎官。凡邊境之守令正佐。皆宜預行掄選。邊疆之務。固貴于下能任事。尤先于上能任人。則是優處邊臣。不止當隆其爵秩。凡邊事之注措區畫。皆當不從中覆合。候命下。本部查照近日題覆。都給事中鄭大經所奏。廣儲邊才之議。催行兩京堂上科道官及各總督撫按官

各將所知堪任邊方督撫兵備守令及異途中可作
佐貳者。分別南北。不拘內外大小。不論親故仇嫌。略
其細疵浮議。人各一疏。坐名奏薦。總候本部登記儲
才文簿。隨宜推用。應調補者優處調補。如知縣則加
五品職銜。知州則加四品服俸。以至知府以上莫不
皆然。各部寺郎官堪任邊郡邊道者。卽俸資未及。量
爲超次轉擢。大率視處腹裡之官。務加優異。以後選
擢兵科給事中兵部司屬及都察院奏差邊關巡按
御史。亦隨于曾歷邊事者取用。以備他日兵備督撫

之選其各邊督撫兵備等官防禦獻捷及三六九年
考滿恩例先經題奉欽依破格陞座俱各查照施行。
如督撫官果歷任年久奏有開疆禦胡不世之功照
依先年靖遠伯王驥威寧伯王越事例特請封爵以
示激勸仍行兵部備咨各邊督撫重臣一切邊防戎
務聽其便宜行事不責小挫不奪浮言各宜悉心殫
力上副九重宵旰之懷下慰群黎雲霓之望方稱委
任。

覆陝西查盤御史蕭廩條陳僕苑二寺兼布按

二司職銜管理守巡事務疏

看得陝西巡按御史蕭廩題稱苑馬牧地隣近有司或應更爲郡縣及要將苑馬寺卿改爲平涼分巡一少卿爲周原兵備一少卿爲隴右分巡行太僕卿改爲關西分守一少卿爲榆林兵糧一少卿爲寧夏兵糧仍各設寺丞一員以任攝畧齋捧等役及稱二寺官近經題准總督巡撫不得干預未盡體統乞要仍舊舉劾各一節爲照牧苑之制課馬供邊祖宗設立已久今欲更爲郡縣照直隸山河養馬之例添設

管馬佐貳官。卽御史蕭廩自謂難行。難以再議外。所據開城諸監。委與平涼。因原州縣相隣。在州縣止知守巡兵備。在監收止知苑僕卿丞。本官堂室藩籬之喻。洞悉情狀矣。迺卽欲苑馬行太僕寺卿少卿爲守巡兵備官。仍各設寺丞一員。止供攝暑齋捧等役。以聯屬之於下。又欲摠督巡撫仍舊舉劾。以責成之於上。譬指相使。殊爲有見。但守巡兵備原與二寺並設。若以二寺事權未重。分理各道之政。則可。若以苑牧之故而併去各道之官。事干祖宗成憲。臣等不敢

輕議前項事宜相應通行酌處合候命下將陝西苑馬寺卿改兼右叅議分守平涼一府行太僕寺卿仍兼僉事分巡平涼一府所屬州縣衛所有司將領悉聽節制有抗違阻誤者據實查叅如二寺官勞績茂著或職業不修總督撫按巡茶俱得舉劾二寺少卿仍兼僉事照依今擬地方分理孳牧點鬪馬政事務各該有司將領亦聽節制年終各另類造考語送部查考其關西道守巡止管鳳翔一府固原兵備隴右分巡榆林兵糧寧夏兵糧管轄俱各照舊不必裁革

寺丞亦不必復設。臣等又惟公家之事。病於異同。封疆之臣。貴在和協。乃今苑僕二司。平居政務。不但州縣有司不關白也。卽守巡兵備亦不欲其關白。已有事舉劾。不但寺官幸督撫之不與也。卽巡茶御史亦幸其不與已。清平之世。豈宜有此。伏望天語切責諸臣。以後湔除小嫌。修明大體。在二寺務攄任事之忠。在諸道勿起侵官之忌。在督撫勿以牧卒之悍而移怒寺官。在巡茶勿以寺官之難而懷疑督撫。如再故違。聽臣等與該科指名叅究。